



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IX. Ab ecclesiastici jejunii observantia tres causæ excusant, labor
necessarius, infirmatas, ætas, cum jejunio incompatibiles; vel, si mavis,
unica causa, moralis scilicet impotentia.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

At ipsi omnes, aut ferē, conjugati sunt. Quorum aliqui præcedunt (inquit) le uxori condormire non posse, simul & jejunare, cō quād magis debilitantur, venerem exercendo, quām suendo, fariendo, tondendo, & licet possint eidem mariti officium exercere, solum id possint diminutē. Dicit verō Diana p. 1. tr. 9. refol. 11. quād nullus tenetur causā jejunii diminutē suum exercitū munus.

⁷¹ Sed illa ferē omnia adēd laxa sunt, adēd ridicula, ut explosione magis quām refutatione digna sint. Refutabuntur tamen capite sequenti. De conjugatis cap. 6. dixi ipsos ab usū veneris abstinerē debere in Quadragesima, iuxta Scripturam, Canones, & Patres. Ridiculum est ergo ipsos à jejunii obseruātia excusare, ut veneri possint vacare, dum veneris usum cum jejunio non possunt componere, vel dam jejunando non possunt nisi diminutē debitum reddere. Pudor est contrarium à Christianis vel cogitari.

⁷² Non inficiat, conjuges teneri ad reddendum debitum compatri moderatē petenti. Sed moderationē Christianam in petendo nō servat, qui petit tempore indebito, sicut nec qui petit loco indebito. Improbabile proinde est quād conjugem conjux ab immoderata petitione non teneat avertire, dum poret. Non possunt certē Christiani conjuges libidini vacare sicut equus & mulus, sed tempora, sicut & loca servare tenentur. Tenetur famulus conductitius ex iustitia redire domino opus injunctū; si tamen dominus in die jejunii injungat ipsi opus cum jejunio incompatible, non tenetur illud redire, nec dominus potest tunc illud exigere, si pro tunc non sit necessarium, sed in aliud tempus differri queat, ut docent Richardus, Paludanus, Gabriel, Navarrus, &c. Similiter ergo de conjugē dicendum, quād licet carni debitum ex iustitia comparti illud exigenti reddere teneatur; si tamen opus illud cum jejunio sit incompatible, & compars illud exigat in die jejunii, non tenetur tunc illud redire, nec compars potest tunc exigere, si pro tunc non sit necessarium, sed in aliud tempus differri possit, ut potest & debet, iuxta dicta cap. 6. Compars ergo tunc rogari debet ut differat, teneturque consentire, quia tunc non est tempus amplexandi, sed tempus vacandi ab amplexu, ut vacetur oratione & pœnitentia; cui si compars vacet, ut oportet, carnis teret superbiam oratio & pœnitentia; & sic rationabiliter allegare non poterit periculum incontinentia. Cui tamen si conjux ipsam videret subiacere, ad impedientium gravius malum, ipsi possit & deberet subvenire.

CAPUT IX.

Ab ecclesiastici jejunii obseruātia tres cause excusant, labor necessarius, infirmitas, etas, cum jejunio incompatibilis; vel, si mavis, unica causa, moralis felicis impotens.

⁷³ Quantū ad laborem, ad quem reducitur peregrinatio, sic optimē S. Thomas q. 147. a. 4. ad 3. Si peregrinatio & operis labor coramōdē differri possit, aut diminui, absque detimento corporalis salutis, aut exterioris statū, qui requiriūt ad conservationem corporalis, vel spiritualis vita, non sunt propter hoc Ecclesie jejunia prætermitenda. Si autem immineat necessitas statim peregrinandi, & magnas diatas faciendā, vel etiam multū laborandi, vel propter conservationem vitae corporalis, vel propter aliquid necessarium ad vitam spiritualem (v. g. propter conciones habendas, confessiones audiendas, &c.) & simul cum hoc non possint Ecclesie jejunia obseruari (nota bene singula) nos obligatur homo ad je-

junandum. Quia non videtur suisse intentio Ecclesie statuātis jejunia, ut ferē hoc impedit alia pīas, & magis necessarias causas. Similia habent in 4. dist. 15. q. 3. a. 2. quæstīunc. 4. in corp. & ad 1. & 3.

Ratione ergo laboris, vel itineris (juxta S. 74 Thomam, quem sequitur S. Antoninus p. 2. tit. 16. c. 2. §. 6.) soli illi excusantur, qui opus, vel iter pro tunc necessariūt faciunt, quo adēd defatigantur, ut simul cum jejunio laborare vel itinerari non possint. Non ergo excusantur 1°. omnes officiales, qui in Republica corporaliter laborant, prout novaturientes aliqui Casuītē ducunt, dicentes, quād non debent se certificare, an labor sit incompatible cum jejunio. Hoc enim Alexander VII. damnavit propositionem 30. eorum qui cum Diana & Leandro dicunt, quād excusantur abolutē omnes illi, qui iter agunt equitando, utcumque iter agant, etiam si iter necessarium non sit, & etiam si iter unius dies conficiant, v. g. octo vel decem letarū. Ex quarum propositionum damnatione Christianus Lector satis videt, quād labor itineris, vel opificiū non excusat, nisi necessariū, & incompatible cum jejunio. Et hinc

2°. excusantur quidem artifices, laboriosas artes exercentes, qui labore suo plurimum fatigantur, ut fabri ferrarii, lignarii, flosores, lapicidæ, bajuari, agricolæ, vinitores, aurigæ, & curfors, (prout Eugenius I V. declaratiss. refert Compendium Privileg. FF. Minorum) iis utique diebus quibus laborant, vel quibus ex precedenti labore sunt plurimum fatigati: sed non excusantur fartores, barbitonares, nec pictores, nec calceos incidentes, nec famuli & famulæ nentes, fila ducentes, vestimenta sarcientes, etiam majori parte diei, quidquid dixerint variū Recensitores.

3°. non excusantur etiam Typographi, qui 75 torcular non tractant, sed characteres dumtaxat componunt, quidquid dixerit Leander q. 88.

4°. nec Scribæ & Notarii, totā licet die scribentes, prout idem putat q. 123.

5°. nec Procuratores, Advocati, Consiliarii, Judices, Musici, & alii hujusmodi opera facientes, quas vires corporis non ita debilitant, ut ad ferendum jejunii laborem impotentes efficiantur.

6°. nec communiter excusantur facientes iter pedestre durarū leucarū cum media, ut vult Pafqualigus decis. 313. Nec facientes iter triū leucarū, ut vult Leander q. 95. Nec facientes iter quatuor leucarū, seu duodecim milium Italicorum, ut putat Diana p. 10. tr. 14. refol. 2. Imō ne quidem omnes facientes iter quinque leucarū, ut existimat Fagundez l. 1. c. 8. & alii abīque alio fundamento, quām arbitrio suo, quasi in ipsorum arbitrio possum sit in coprivate authoritate statuere regulam prædictę tam. Non nego concurrere posse circumstantias, v. g. magni æstus, viæ valde ardua, montos, lutoſa, &c. percurrēndā persona delicate complexio- nis, quas ob circumstantias, iter quatuor vel quinque leucarū ad excusandum possit sufficere; verū extra hujusmodi circumstantias, magna di- tam requirit S. Thomas. Magna verō diata non est iter quatuor vel quinque leucarū, saltem Belgicarū; nec isto itinere, saltem unius aut alterius diei, adēd fatigantur viri fortes & robusti, ut moraliter impotentes sint jejunare. Quod tamen S. Thomas requirit, ad hoc ut sint excusati.

Itaque cum S. Thoma dicamus quād si labo- 79 riosum opus, vel iter differri queat sine notabili incommodo, in aliud tempus differendum est, ut jejunium seruerat. Si differri non possit, soli illi ratione laboriosi operis vel itineris excusat- cen-

censeantur, qui labore operis vel itineris adeò affliguntur, ut finni cum jesuano itinerari, vel opus suum facere non possint, uti S. Doctor loquitur in 4. dist. 15. a. 2. quæstunc. 4. ad 1. Dicamus etiam, laboris vel itineris, sicut & senilis ætatis precisam quantitatem à nobis tam accurate determinari aut mensurari non posse, ut ad unum usque affirmari queat, hoc opus, hæc itineri vel ætatis longitudi quælibet itud opus vel iter facientem, vel æatem illam affectum excusare à jejunio, opus verò, vel iter isto minus, vel ætas minor neminem excusare. Quia excusari potest unus hoc opus vel iter faciendo, alter verò non excusari; sicut excusari potest unus, dum ad hexagesimum v. g. ætatis annum pervenit, altero non excusat. Excepit ergo laboriosis operibus pro quibus Ecclesia vel Pontifex declaravit tale opus exercentes excusatos esse, consulat unusquisque propriam experientiam, ex eaque dicat num sufficiens ad jejunium ferendum cum tali opere, vel itinere, vel ætate vires habeat, vel non habeat. Si habeat, jejunet; si non habeat, non jejunet; si dubius sit, sine dispensatione jejunium solvere non præsumat.

80. Facultas Lovaniensis, ad instantiam Episcopi Gandavensis, anno 1657. meritò reprobavit hunc articulum ordine 22. defunatum ex Escobario exam. 13. c. 3. n. 67. & Filiatio apud ipsum: *Qui dormire nequit, nisi vespere sumptuosa, non tenetur jejunare; inò neque in prandio collationem sumere, quamvis hoc modo illi incommodo obviare posset. Quia nemo tenetur perseverare ordinem refectionum.* O ridiculam rationem! Reprovavit & hunc eisdem Filii & Escobari ibidem c. 2. n. 23. *Defessus ex quoconque labore, licito, vel illicito, v. g. (horreо referre) cum feminiс commissione, liberatur à lege jejuniī.* O indignata Doctore Catholicо sententiam. Certe non descendit è celo. Ascenditne igitur ex oreo? Certe ad hoc totam vim malignitatis sue intendunt zartare inimici, atque ad hoc aeriori infidiantur astutia (ait Leo Magnus serm. 1. de Quadrages.) ut sacratissimos Quadragesimas dies negligenter prætereamus, in quorum observantia omnes, præterite defidit, cafigantur, omnes negligentie diluntur... ut celebratur sanctum Pascha Domini, in aliquo inveniamur indigni, & unde nobis obtinenda erat propitiatio, inde contrabatur offensio.

81. Sed ecquod tam propudiosa sententia fundatum? Dicent fortè, quia licitum est apponere causam fractionis jejuniī: si quis enim suis culpā sit infirmus, durante infirmitate non tenetur jejunare. Verum, ut optimè Wendrochius, aliud est infirmitas, id est morbus, aliud defatigatio, qua jejunium tantum molestius ac difficitus reddit: quam molestiam quando quis fibi flagitis suis accersivit, impudenter eam subire recusat. Deinde quisquis voluntariè posuit causam, ex qua prævidit, vel prævidere debuit, fecuturam violationem præcepti, non solum peccavit interne contra præceptum illud, pro tempore quo voluntariè posuit causam illam, sed & externè peccat, pro tempore quo actum præceptum omittit, vel prohibitum committit, ut pluribus to. i. demonstravi. Igitur ille, de quo in casu, non solum peccavit pro tempore quo posuit voluntariam causam violationis jejuniī, sed adhuc peccat pro tempore quo jejunium violat, etiam si tunc foret impotens ad jejunium obserendum. Quia impotens culpabilis & voluntaria non excusat à culpa, prout ostendimus ibidem. Hinc 82. 80. non excusantur à jejunio venatores pro solo beneplacito absque illa necessitate tantum laboris in venando sustinentes, qui, ex necessita-

te suscepimus, à jejunio excusaret. Et idem est de iis qui lufu pilæ, & similibus se multum fatigant. Quos eo titulo à jejunio excusare, quid aliud est, nisi januam patentissimam libertinis aperire ad prætermittendam obseruantiam ecclesiasticorum præceptorum, laboriosas venationes, vel lufus assumento, vel de una civitate ad aliam sine illa necessitate excurrendo, ut post fatigationem liberi sim à jejunio ab auditione Sacri dñi festo, &c.? Utique ipso die festo summo manè, vel etiam die precedenti, pro sola voluntate excurrerent ad venationem, &c. in loco, ab Ecclesiis tam remoto, ut ipsis possibile non sit, satis tempestivè reverti, pro Sacro festivo die audiendi.

90. à jejunii lege non excusat sola jejunandi difficultas, quæ fit ut scholasticus v. g. non ita commodè studeat, vel mulier ex debilitate jejunii servitia domis cum magna difficultate operetur. Quia aliud est difficultas, licet utcumque magna, aliud moralis impotensia, quæ sola excusat; & si nulla foret in jejunando difficultas & molestia, caro non affligeretur: cum tamen ad carnem affigendam, ac per hoc spiritui subjiciendam instituta sint jejinia. Ita Angiez, Medina, Ledefina, &c. contra Bonacinam.

100. excusantur tamen qui adeò laborant, v. 84 plures cùdem die conciones habendo, confessionibus audiendis, vel aliis piis functionibus tota die, vel magna diè parte vacando, ut vires ipsis multum exhaustantur, si vel ex officio, vel ex pietate, vel preptis spirituali proximorum utilitatem opera illa (qua jejunio per se meliora sunt) præstentur, nec a tali persona sumul cum jejunio valeant exerceri. Ita Doctores communiter, idem meritè carentes de iis qui infirmis assistunt tota nocte, vel majori illius parte vigilantes, tota etiam die in eorum servitio se fatigantes, molestiasque magnas sustinentes. Nam jejunium, quod præcipitur ob bonum, impedit non potest excellenteris charitatis bonum. Ob solam tamen peregrinationem, licet piam, si commode differat, tollendum non est jejunium, sed differenda potius peregrinatio, ut docent S. Thomas suprà, Catelanus, Toletus, Sylvius, &c. contra Palaum, Sancium & Leandrum q. 135.

Hactenus de excusatis vel non excusatis ratione laboris. Quæritur jam quinam excusentur ratione infirmitatis? Respondet Concilium Toletanum VIII. can. 9. omnes quos languor extenuat. Canon verò 68. ex iis qui Apostolici inscribuntur, omnes qui propter imbecillitatem corporis impediuntur, vel taliter patiuntur infirmitatem, cui jejunia Medici dicant esse contraria, uti S. Gregorius loquitur epist. 34. lib. 11. Cum non subjaceat legi necessitas, ait Innocentius III. cap. confitum de obseruat. jejunior.

Hinc excusantur infirmi omnes, sicut & convalescentes, quos infirmitas valde extenuavit. Quod & Doctores extendunt ad laborantes febri tertianā, vel quartanā diuturnā. Sed improbamus Sanctorum in scđ. disp. 54. Edit. Lugdun. excusantem eos qui habent duo vel plura cauteria: cum cauteria illa non ita debilitatem habentem, utegant eam, prout experientia docet. Similiter improbamus Leandrum q. 30. excusantem eos qui magnam partem noctis dormire non possunt, nisi sumptuosa, Cum, falso jejunio, nisi incommodo occurrere valeant, collationem meridie sumendo, plenarique refectionem in vesperum differendo; idcōque tales nulla impotensia excusentur.

Ratione denique ætatis, pueri (juxta S. Thomam) upplurium excusantur usque ad finem tertii septennii, id est usque ad annum vigescimum primum complectum. Dicit enim q. 147. a. 4. ad 2. quod in pueris maxime est evidens causa non jejunandi, tum propter debilitatem nature, ex qua

provenit quid indigent frequenti cibo, & non multo simul sumpto. Tum etiam quia indigent multo nutrimento, propter necessitatem augmenti quod fit de residuo alimenti. Et ideo quamdiu sunt in statu augmenti, quod est, ut in pluribus, usque ad finem tertii septenarii, non tenentur ad ecclesiastica jejunia observanda. Adolescentes tamen Religiosi obligantur ad jejuniis, tum Ecclesia, tum Religionis, sibi per Regulam, vel Constitutiones Ordinis prescripta, non vi ecclesiastica legis, sed religiose professionis. Unde Ecclesia jejuniis violando, non peccant mortaliter, nisi per Regulam sub reatu peccati mortalis injungantur.

88 Addit etiam S. Thomae loco citato, *conveniens esse ut adolescentes, etiam non Religiosi, ante tertium septenarium completum se ad jejuniandum exerceant, plus vel minus, secundum modum sua etatis*; ad quod proinde inerito à parentibus & Confessariis inducendi sunt: maximè cum non raro, ante vigesimum primum annum completum, esse definit in statu augmenti, solumque *ut in pluribus* oppositum contingat, ut dicit S. Thomas. Tunc vero non est cur à jejuniis excusentur. Et ut excusarentur ab ecclesiastica jejuniis lege; certè non à lege naturali, quā tenentur ebullientes malas concupiscentias (quibus tunc exstuat natura corrupta) per jejuniū refrænare, si non per totam Quadragesimam, saltem per alternos, vel certè per duos vel tres in hebdomada dies, iuxta Confessarii prudentis arbitrium. Unde D. Basilius orat. 2. *Pueri (inquit) velut plantae virides, jejuniis aqua irrigantur.* Sententia quidem S. Thomae communiter est recepta, sed non usquequam certa: Quidam enim dicunt quid tempus finale augmenti est *vigesimus annus* (inquit Alexander de Ales p. 4 q. 102. membr. 2. a. 3.)... alii dicunt, quid in quinto decimo anno obligantur homines ad jejuniū: quia tempore isto incipit libido invadere, contra quam est institutum jejuniū, nec tertium septenarium completum ad id est ab Ecclesia determinatum. Tempus aptum jejuniū, idem Alensis censet esse tempus octodecim annorum. Unde in etate octodecim annorum homines (inquit) ad quadragenale jejuniū obligantur. Quidquid tamen de eo sit, probanda non est opinio Tamburini l. 4. c. 5. §. 7. n. 2. dicentes: *Siquis in prima hora media noctis impletar annum vigesimum primum, tenetur, si prima hora pertinet ad vigesimum secundum talis etatis, in quo urges præceptum...* si fit natus in ipsa prima hora media noctis, non obligatur. Prorsus enim non est ratio, cui non teneantur totis 23. horis que supersunt ex illo die.

89 Ad senes quod attinet, si sunt multum debiles (ait S. Antoninus ubi supra § 5.) eo modo possunt excusari, sicut dictum est de infirmis. Ratione autem senectus tantum non excusat, si sunt fortis ad sufferendum jejuniū. Nec est determinata etas ab aliquo, usque ad quos annos quis tenetur ad jejuniū. Unde Cardinalis Ximenes, Archiepiscopus Toletanus, ultra septuagésimum etatis annum provectus, se adhuc exiliabat ad strictum lege ecclesiasticorum jejuniorum; nec ab ea à Leone X. absolutus fuit ob solam senectutem, sed ob varias corporis infirmitates, prout ex Pontificio Rescripto constat, quod Odoricus Raynaldus refert ad annum 1517. Hoc idem exemplo suo confirmat Navarrus in Manuali c. 21. Octuagésimum quippe annum agens, perinde (inquit) possum jejunare, ac cum agerem sexagesimum, immo & quinquagesimum. Unde concludit, standum non esse opinioni illorum, qui jejunandi obligationem limitant ad annum sexagesimum. Improbabilemque Laymannus l. 4. tr. 8. c. 3. n. 2. censet opinionem Thomae Sanchez, absolventes hominem sexagenarium ab obligatione servandi

jejunia, que voverat se per totam vitam observaturum certis anni vel hebdomadæ diebus. Nec S. Antoninus recipit opinionem Innocentii in cap. ex parte de obser. jejuniis dicentes, quid viris jejunare prohibentibus, uxores possunt jejunia ex voto fulscepta relinquere. Quia carum vota dependent à maritorum consenu; non vero Ecclesia jejuniis. Vel saltem propter scandalum vitandum dispensari possunt, si ex eorum observantia fierent impotentes ad debitum reddendum, vel nimis tediosæ maritis. Alii huic opinioni S. Antoninus sententiam magis piam, & religioni consentaneam opponit Paludan, quod ita maritum scandalum sit pharisäicum, idque contemnendum, nisi ex talis voti observantia nimia debilitas vel infirmitas rationabiliter timeretur, quā ad uxoris officium, & familiæ curam moraliter impotentes efficerentur.

Ad senes igitur revertendo Fagnanus ad cap. 91 cum sis de convers. conjugatorum post laudatum S. Antoninus recte obserat, ex veriori & magis recepta opinione in iis, five masculi sint, five feminæ, nullum tempus determinatum esse, in quo ab obligatione jejuniū absolvantur. Unde (inquit) solum excusari possunt tamquam infirmi vel debiles, vel propter ætatem decrepitam, seu caducam, languentem & incurvantem, ut loquitur Concilium Toletanum VIII. uno verbo propter moralem impossibilitatem. Et ita docent (inquit) Richardus de Media villa, S. Antoninus, Taberna, Rosella, Sylvester, Astensis, Medina, Azorius, aliique Theologi melioris nota. Pro certo proinde habendum, senes vegetos jejuniorum legere teneri, etiam sexagenarios, etiam fontes & vegetos, absolutoe deobligent Leander q. 27. & alii viginti Casuillæ apud ipsum. Immò mulieres quinquagenarias absolutæ à jejuniu Sanchez excusat. Sed (ut Fagnanus observat) solus ipse prius hanc opinionem in medium atruit, prout ipsemet fatetur, propterē subjungens, hanc suam opinionem non esse etiam in praxi. Verum quidem est quid sint viris frigidiores. Sed vel ob id ipsum magis obstricte sunt ad jejuniandum: nam ex caloris debilitate major in ipsis pituita, & crudorum humorum copia generatur. Et propterē jejuniū facilius ferunt; & multo plures feminæ, quam viri, visæ sunt, quæ naturaliter longum fervaverunt jejuniū. Nam, ut Fagnanus prosequitur ex Alberto Magno, plures sex, septem, & pluribus mensibus vixerunt sine ullo extero alimento, pituita, & crudorum humorum copia ipsis pro alimento serviente. Immò relatum est à Dyno Medico (inquit Mereculiaris l. 3. practic. c. 7.) mulierem quamdam suo tempore fuisse, quæ septem annis, sine ullo appetitu, & cibis vixerat. Et quod est mirabilis, Conciliator diff. 112. propter finem, Certificatum est (inquit) mihi per fidem locum Joannem de Corceo, cum aliis multis, in Normandia extare mulierem, quæ amodo per spatium 36. annorum nihil astupuit. Hactenus illustrissimus Fagnanus.

Nihilominus pregnantes & lactantes mulieres 92 excusat S. Antoninus, si debilitas impedit eas, vel periculum sit de defectu alimenti pro fetu. At fine illa modificatione Navarrus c. 21. n. 16. cum communi eas excusat; quippe quas non solum sibi, sed alii etiam oportet edere. Idēque una ipsis refectio non sufficit. Immò exstimat cas peculatorum, si jejunent, cum prajudicio prolis. Si tamen robustæ sint, nihil ipsis nec proli timendum videtur ab uno vel altero jejuniū die.

Denique de pauperibus S. Thomas q. 147. a. 4. 93 ad 4. ait, quid si possunt sufficienter habere, quod eis sufficit ad unam comedionem, non excusat propter paupertatem à jejuniis Ecclesie. A quibus tamen excusari videntur illi, qui frustatim ele-

monias

moxynas mendicant: quia non possunt simul babere, quod eis ad viatum sufficiat. Ita etiam Richardus, Durandus, Bachonius noster, Lezana, Urbanus ab Ascensione, Lumbierus, Reginaldus, &c.

C A P U T X.

Declarantur potestatem habentes in jejuniis dispensandi.

94 **E**am non solum habent Episcopi, sed & Parochi, absque recurso ad Episcopum, etiam si Episcopus non sit absens. Quia sic est consuetudine introductum ac receptum, ut Doctores communiter tradunt, eandem potestatem concedentes Vicario Parochi, ipso absente.

95 Superiores quoque Regularium cum subditis suis dispensare possunt in jejuniis tam Ecclesie, quam Regulae. Quia in suis potestatibus habent quasi Episcopalem; idque Superioribus Ordinis S. Hieronymi (& consequenter aliorum Ordinum cum iphis cotunnicantium) concepsit Eugenius IV. & FF. Ordinis Minorum Clemens VII. ut videtur est apud Pellizarium tr. 5. c. 5. n. 65. Consequenter id posse Vicarios ipsorum, ipsis absentibus, docent Azorius, Sanchez, Gordonus, &c.

96 Id etiam Confessarii posse cum suis potestatibus dixerunt Rosella & Palacios. Sed veritas est, ipsos, sicut & alios viros doctos, ac Medicos, solum posse declarare, causam dispensandi sufficiemt esse, vel non esse, seu etiam (ubi res certa est) jejunandi obligationem non esse.

97 Caveant tamen Confessarii, & Medici diligenter ne aliena culpa participem, nimia facilitate sua, in fide facienda necessitatibus non jejunandi, vel utendi cibis vetitis, ait S. Carolus Borromaeus in Edicto super observatione Quadragesima, Acto Ecclesi Mediolan. p. 3. pag. 361. & 362. Ita etiam Concilium Avenionense anni 1594. cap. 44. & Concilium Narbonense ann. 1609. cap. 10. Unde S. Antoninus ubi supra c. 11. §. 60. De confessione rationabili Medicis (inquit) inferius solvens je-

junium, vel comedens carnes diebus prohibitis, non peccat; sed peccaret Medicus, si sine causa rationabilis, vel falso dubia, talia mandat, vel ordinat infirmis. Quod dum facit cum causa quam judicat dubiam, monere debet de petenda dispensatione.

Porro dum dubium est, an detur causa sufficiens 98 clementer excusans, Praelatus & Parochus licet dispensant. Quia minor causa requiritur ut quis cum dispensatione deobligetur, quam sine dispensatione. Causa proinde certa ad dispensandum non requiritur: utpote quā existente, opus non est dispensatione. Ita S. Thomas, Cajetanus, Navarus, & Doctores communiter.

Quod si dubium sit, an detur causa sufficiens 99 ad dispensandum, Praelatus partim dispensat, partim commutet in aliud opus pium, inquit Navarus. Ob solam tamen jejunandi difficultatem non debet dispensare; sed suaviter monere, quod hujusmodi difficultas consuetudine vincitur; tamē Leander q. 32. & alii apud ipsum dicant tunc posse dispensare.

Meminerint quoque Superiores & Parochi, 100 majorem causam requiri ad dispensandum super carnium usu, quam super secunda refecione. Sic enim habet consuetudo, docentque Sylvester, Cajetanus, &c. Porro Parochos, & Superioris Regularium cum subditis suis dispensare posse super catuim usu, consuetudo obtinuit pro Parocais, & Eugenius IV. concepsit Regularium Praelatis, prout iudicent Authores tradunt.

Dispensatum denique super carnium usu pro 101 toto tempore Quadragesimæ, iis vesci posse, etiam feriis Iesu & sabbathis, necnon quatuor temporibus occurrentibus, docet Pellizarius n. 69. nisi consuetudo obstat. Sed videtur hoc speciali notâ dignum, nec facile presumenda ista dispensantis intentio, nisi dispensandi causa id manifeste requirat. Atque hac de legibus ac præceptis in genere, necnon de præceptis Theologorum, ac virtutum Cardinalium, de iustitia & jure, deque Decalogi atque Ecclesiæ præceptis dicta sint, salvo meliori iudicio sapientiorum.

Finis Tomi secundi.